

MANIFIESTO POR UNA EDUCACIÓN SEXUAL PA TOXS.

Firma: Rede por una educación sexual feminista y comunitaria.

A toles edaes, pa toes y caúna de les persones, la educación sexual puede ser abrir ventanes al campu los deseos y los placeres. Puede ser abrir puertes que mos ayuden a alloñanos d'un modelu social de sexualidá inxustu, estigmatizante, discriminatoriu y violentu. Puede ser abrir caminos pa democratizar la sexualidá, dende una perspeutiva más xusta, más horizontal y más diversa, p'habitar mundos nos que toles persones podamos disfrutar de los derechos, los cuerpos y les vides de nueso.

¿Qué mos determina a facer esti manifiestu?

Pese a les recomendaciones internacionales y a les diferentes lleis nel ordenamientu xurídicu qu'empobinen a la implantación d'una educación sexual integral, reconociéndola como un finxu clave na promoción de rellaciones positives, saludables ya igualitaries, observamos un bloquéu institucional y políticu na so aplicación práctica que fraya'l derechu d'infancies y adolescencias a recibir una educación sexual integral y de calidá.

Nos caberos años, delles formes de fundamentalismos políticos conectaos cola derecha global y los neofascismos, nun cesen de vertir discursos tracamundiaos nos medios de comunicación qu'amenacen la débil educación sexual que s'imparte nos centros educativos del Estáu español. Pa comprender por qué punxeron nel puntu de mira a la educación sexual, ye menester decatase de que la educación sexual ta íntimamente rellacionada cola defensa de la igualdá, la diversidá sexual y de xéneru y los derechos sexuales, lo qu'implica que toles persones han poder disfrutar de tolos derechos. Por too ello, y porque sabemos que los derechos humanos y, perespecialmente, los derechos sexuales, hai que defendelos caldía, güei llanzamos esti manifiestu.

¿Qué entendemos por educación sexual?

- Entendemos por educación sexual aquella que promueve los valores basaos nel respetu a les persones y a los sos derechos.
- Entendemos por educación sexual aquella qu'incorpora una güeyada crítica énte les desigualdaes sociales p'ayudar a xenerar entornos sociales más igualitarios y más xustos.
- Entendemos por educación sexual aquella que permite la xeneración de vínculos afeutivos respetuosos ya igualitarios, como tamién l'autoconocimientu y la identidá personal.
- Entendemos que la educación sexual desempeña un papel esencial na salú y el bienestar personal y social.
- Entendemos la educación sexual dende una perspeutiva social, feminista y comunitaria, centrada nel placer, porque, conectaes col placer, les persones tomamos meyores decisiones sobre les nuses sexualidaes, los nuses cuerpos y les nuses vides.

¿Qué vindicamos?

Dende la REDE POR UNA EDUCACIÓN SEXUAL FEMINISTA Y COMUNITARIA, esiximos al Ministeriu d'Educación y a les alministraciones autonómiques competentes en materia d'educación:

- Que les polítiques y aiciones n'educación sexual se desendolquen dende una perspeutiva feminista, social y comunitaria, apostando pola implicación y participación de tola comunidá educativa.
- Que la educación sexual seya conteníu obligatoriu y evaluable incorporáu formalmente nes estayes educatives obligatories y que tea reguláu pola llexislación educativa actual (y les futures) cola finalidá de garantizar el principiu d'equidá educativa en tol Estáu español.
- Que se desarrolle con procuru un plan de formación sistemáticu del profesoráu pa garantizar la implementación de la educación sexual integral en toles etapes escolares.
- La meyora de les condiciones llaborales del profesoráu y una medra de la inversión n'educación pa garantizar una escuela pública de calidá.

- La mejora de las condiciones de colaboración y contratación de las entidades comunitarias que desarrollen estas iniciativas, propuestas y xeres, tanto nel ámbito educativo formal, como nel non formal.
- Una educación sexual integral transversal dentro y fuera les aulas, que respuenda a les necesidaes d'infancias y adolescencias, qu'acompañe y abra espacios pa l'adquisición d'aprendimientos, que posibilite a les persones desarrollar conocimientu, valores y habilidaes pa la toma de les propies decisiones sobre la sexualidá y l'establecimientu de vínculos afeutivos llibres ya igualitarios.

¡Por una educación sexual pa toles persones!

¡Educación sexual ye tresformación social!